



თელავის მუნიციპალიტეტი

ქ. თელავში სანიაღვრე არხების და ნიაღვარგამტარი კოლექტორების
მომსახურების შესყიდვა
ელექტრონული ტენდერის საშუალებით

სატენდერო დოკუმენტაცია

კლასიფიკატორის (CPV) კოდი და კლასიფიკატორის დანაყოფი

45200000 - სამუშაოები მთლიანი ან ნაწილობრივი მშენებლობისათვის და სამოქალაქო
მშენებლობის სამუშაოები

დაფინანსების წყარო - ადგილობრივი ბიუჯეტი

წინამდებარე სატენდერო დოკუმენტაცია შედგენილია „სახელმწიფო შესყიდვების
შესახებ“ საქართველოს კანონის და „გამარტივებული შესყიდვის, გამარტივებული
ელექტრონული ტენდერისა და ელექტრონული ტენდერის ჩატარების წესის დამტკიცების
შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N7
ბრძანების საფუძველზე

2012 წელი
ქ. თელავი

სარჩევი

1. ტექნიკური/საკვალიფიკაციო დოკუმენტაცია.....	3
2. სახელმწიფო შესყიდვის შესახებ ხელშეკრულების პროექტი	6
3. დანართი N1- ფასების ცხრილი (ხარჯთაღრიცხვა)	10
4. დანართი N2 - რეკვიზიტები, ვადები, ანგარიშსწორება	11
5. დანართი N3 - ანალოგიური მომსახურების გამოცდილება.....	12

1. საკვალიფიკაციო მოთხოვნები და ტექნიკური დოკუმენტაცია

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

2.1 საკვალიფიკაციო მოთხოვნები:

იურიდიული პირებისათვის

2.1.1 ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან;

2.1.2 ცნობა შესაბამისი უფლებამოსილი ორგანოდან, პრეტენდენტის ბიუჯეტისადმი დავალიანების არქონის შესახებ;

ფიზიკური პირებისათვის:

2.1.3 ცნობა შესაბამისი უფლებამოსილი ორგანოდან, პრეტენდენტის ქმედუნარიანობის შესახებ;

2.1.4 პირადობის დამადასტურებელი დოკუმენტი.

2.2 ტექნიკური დოკუმენტაცია

როგორც იურიდიული ასევე ფიზიკური პირებისათვის:

2.2.1 ფასების ცხრილი (ხარჯთაღრიცხვა) დანართი N1-ის მიხედვით.

2.2.2 პრეტენდენტმა უნდა წარმოადგინოს რეკვიზიტები, ინფორმაცია მომსახურების შესრულების ვადის და ანგარიშსწორების პირობების შესახებ დანართი N2-ის მიხედვით.

2.2.3 ინფორმაცია განხორციელებული ანალოგიური მომსახურების მიწოდების შესახებ. ინფორმაცია წარმოდგენილი უნდა იქნეს დანართი N3-ის მიხედვით.

2.3 ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების გაცემის თარიღი არ უნდა უსწრებდეს ელექტრონული ტენდერის და გამარტივებული ელექტრონული ტენდერის გამოცხადების თარიღს;

2.4 ამ პუნქტის 2.1 ქვეპუნქტით გათვალისწინებული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები, დედნის სახით ან ნოტარიულად დამოწმებული ასლები, წარმოდგენილ უნდა იქნეს შემსყიდველი ორგანიზაციაში მოთხოვნიდან არა უმეტეს 5 (ხუთი) სამუშაო დღეში. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

2.5 პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში ხორციელდება როგორც საქართველოს კანონმდებლობით დადგენილი ფორმით.

2.6 პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდინს ამ პრეტენდენტის დისკვალიფიკაციას.

2.7 ანგარიშსწორების პირობები

2.7.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვასთან დაკავშირებული ყველა გადასახადის გათვალისწინებით.

2.7.2 ანგარიშსწორება მოხდება უნაღდო ანგარიშსწორებით ლარში.

2.7.3 ანგარიშსწორება მოხდება მიღება-ჩაბარების აქტის გაფორმებიდან არაუგვიანეს 30 დღის განმავლობაში.

2.7.4 ანგარიშსწორებას განახორციელებს შემსყიდველი ორგანიზაცია ინდივიდუალურად მათთვის მიწოდებული **მომსახურების** ღირებულების ოდენობით.

2.7.5 შესაძლებელია საავანსო ანგარიშსწორება მიმწოდებლის მიერ მოთხოვნილი ოდენობის შესაბამისად, არაუმეტეს სატენდერო წინადადების ფასის **50%**-ისა, იდენტური ოდენობის საბანკო გარანტიის საფუძველზე.

2.8.2 შესყიდვის ობიექტის აღწერილობა:

შესყიდვის ობიექტს წარმოადგენს წლის განმავლობაში ცხრილი N1-ში მოცემული სანიაღვრე არხების და ნიაღვარგამტარი კოლექტორების შეკეთება, გაწმენდა ნიაღვრების შედეგად დაღეჭილი ნატანი მასალისაგან.

ცხრილი N1

ჩამდინარე წყლების გამწმენდი სამუშაოები (ქ. თელავში ნიაღვარმიმღები და ნიაღვარგამტარი კოლექტორები) 2012 წელი			
N	ქუჩის დასახელება	განზომილება (გრძ.მ)	რაოდენობა
1	ქართული უნივერსიტეტის ქუჩა	(გრძ.მ)	1000
2	კვირიკე დიდის და დ. რექტორის ქუჩების გადაკვეთა	(გრძ.მ)	200
3	გივი ჩოხელის ქ.	(გრძ.მ)	26
4	ბახტრიონის ქ.	(გრძ.მ)	27
5	ბახტრიონის ქუჩისა და კვირიკე დიდის გადაკვეთა	(გრძ.მ)	10
6	სააკაძის ქ.	(გრძ.მ)	14
7	კავკასიონის ქ.	(გრძ.მ)	54
8	ჭავჭავაძის ქ.(წრიულის და ზუზუმბოს გადაკვეთები)	(გრძ.მ)	500
9	ჭავჭავაძის ქ.(აბანოს ქუჩიდან ზარაფიშვილის გადაკვეთა)	(გრძ.მ)	300
10	თამარის ქ. რობაქიძის ქუჩამდე	(გრძ.მ)	200
11	რობაქიძის ქ.	(გრძ.მ)	284
12	თამარის ქ. და სამხედრო ქალაქის მიმდებარე ტერიტორია	(გრძ.მ)	250
13	რუსთაველის გამზირი, თბილისის გზატკეცილი	(გრძ.მ)	600
14	აღმაშენებლის პირველი შესახვევი	(გრძ.მ)	360
15	ლესელიძის ქუჩა	(გრძ.მ)	8
16	სულხანიშვილის ქუჩა	(გრძ.მ)	16
17	კურდღელაურში ღვთისმშობლის ეკლესიის მიმდებარე ქუჩა	(გრძ.მ)	300
18	ქ. წამებულის ქ.	(გრძ.მ)	8
19	ახოსპირელის ქ.	(გრძ.მ)	170
20	ჩოლოყაშვილის ქ.	(გრძ.მ)	20
21	დავით რექტორის ქ.	(გრძ.მ)	30
22	ლეონიძის ქ.	(გრძ.მ)	180
23	ინგოროყვას ქ.	(გრძ.მ)	30
24	თეიმურაზ ბაგრატიონის ქ.	(გრძ.მ)	8
	სულ	(გრძ.მ)	4595

2.9 მომსახურების მიწოდების ადგილი და ვადები:

2.9.1 მიწოდების ადგილად განისაზღვრება: ცხრილი N1-ში მოცემული სანიაღვრე არხები და ნიაღვარგამტარი კოლექტორები. მომსახურების გაწევას მიმწოდებელი უზრუნველყოფს საკუთარი ხარჯებით.

2.9.2 მომსახურების გაწევის ვადა განისაზღვრება ხელშეკრულების გაფორმებიდან 2013 წლის 1 იანვრამდე.

2.10 მიმწოდებლის მიერ ელექტრონულ სისტემაში ატვირთული ყველა დოკუმენტი უნდა იყოს ხელმოწერილი და ბეჭედ დასმული.

2.11 პროექტენტის მიერ წარმოდგენილი უნდა იქნეს წინამდებარე სატენდერო დოკუმენტაციით განსაზღვრული ინფორმაცია.

2.12 იმ შემთხვევაში თუ პროექტენტი სამუშაოების შესასრულებლად გამოიყენებს ქვეკონტრაქტორს, ასევე უნდა წარმოადგინოს ქვეკონტრაქტორის საკვალიფიკაციო დოკუმენტები და ინფორმაცია მის მიერ ანალოგიური მომსახურების შესრულების გამოცდილების შესახებ დანართი N3-ის შესაბამისად.

2.13 დამატებითი ინფორმაცია

სატენდერო დოკუმენტაციასთან დაკავშირებული განმარტებების მიღება პროექტენტს შეუძლია სატენდერო კომისიის აპარატში, წერილობითი მიმართვის შემთხვევაში. ქ. თელავი, ერეკლე II გამზ. N16. საკონტაქტო პირი ლევან ბასილაური. ტელ: 8350 27 31 05. ელ-ფოსტა: lbasilauri@yahoo.com.

2. სახელმწიფო შესყიდვის შესახებ

ხელშეკრულება N

(პროექტი)

ქ. თელავი

----- 2012 წ.

ერთის მხრივ თელავის მუნიციპალიტეტი, შემდგომში წოდებული „შემსყიდველი“, წარმოდგენილი მისი გამგებლის პეტრე კიკნაძის სახით და მეორეს მხრივ -----, მისი დირექტორის ----- სახით, შემდგომში წოდებული „მიმწოდებელი“, ვმოქმედებთ რა საქართველოს კანონმდებლობის და გამარტივებული ელექტრონული ტენდერის შედეგის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1. ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშვნები.

1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. „დღე“, „კვირა“, „თვე“ - კალენდარული დღე, კვირა, თვე.

1.4. „შემსყიდველი“ - ორგანიზაცია, რომელიც ახორციელებს შესყიდვას.

1.5. „მიმწოდებელი“ - პირი, რომელიც ახორციელებს მომსახურების მიწოდებას ამ ხელშეკრულების ფარგლებში.

1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1 ხელშეკრულების საგანი: -----;

2.2 სატენდერო განცხადების ნომერი -----;

2.3 კლასიფიკატორის (CPV) კოდი და შესყიდვის კონკრეტული ობიექტი: -----;

2.4 შესყიდვის საშუალება - გამარტივებული ელექტრონული ტენდერი;

2.5 დაფინანსების წყარო - ადგილობრივი ბიუჯეტი.

3. ხელშეკრულების ღირებულება

3.1 ხელშეკრულების ღირებულება შეადგენს ----- ლარს.

3.2 ხელშეკრულების ღირებულება მოიცავს როგორც მისაწოდებელი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

3.4 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

3.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, სახელმწიფო შესყიდვის შესახებ ხელშეკრულების ჯამური ღირებულების გაზრდა დასაშვებია მხოლოდ 10%-ის ოდენობით.

4. მხარეთა ვალდებულებები

4.1 მიმწოდებელი ვალდებულია:

ა) უზრუნველყოს მომსახურების მიწოდება ტექნიკურ დოკუმენტაციაში განსაზღვრული პირობების შესაბამისად;

ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;

გ) განახორციელოს ამ ხელშეკრულებით მასზე დაკისრებული სხვა აღდებულებები.

დ) მიმწოდებელმა შესრულებულ მომსახურებაზე სატენდერო დოკუმენტაციასთან შესაბამისობის დადგენის მიზნით, უნდა წარმოადგინოს შესაბამისი დოკუმენტაცია.

4.2. შემსყიდველი ვალდებულია:

ა) უზრუნველყოს ხელშეკრულების შესრულების კონტროლი;

ბ) განახორციელოს ამ ხელშეკრულებით მასზე დაკისრებული სხვა აღდებულებები;

გ) გადაუხადოს მიმწოდებელს შესრულებული სამუშაოს ღირებულება.

4.3 შემსყიდველი უფლებამოსილია მიმწოდებლის მიერ გაწეული მომსახურების სატენდერო დოკუმენტაციასთან შესაბამისობის დადგენის მიზნით, განახორციელოს კონტროლი ინსპექტირების ჯგუფის საშუალებით.

5. ხელშეკრულების შესრულების კონტროლი

5.1. შემსყიდველი უფლებამოსილია განახორციელოს ხელშეკრულების შესრულების კონტროლი მომსახურების მიწოდების ნებისმიერ პერიოდში.

5.2 ხელშეკრულების ინსპექტირებას განახორციელებს თელავის მუნიციპალიტეტის ინსპექტირების ჯგუფი.

5.3 შემსყიდველის შესაბამისი წარმომადგენელი (წარმომადგენლები, ინსპექტირების ჯგუფი, მოწვეული ექსპერტი) უფლებამოსილია ჩაატაროს მიმწოდებელი საქონლის ტექნიკურ დოკუმენტაციასთან შესაბამისობა. მიმწოდებელი ვალდებულია 20 (ოცი) დღეში გამოასწოროს წუნი, იმ შემთხვევაში თუ წუნის გამოსწორება შეუძლებელია და შემსყიდველს უკვე გადახდილი აქვს ღირებულება დაუბრუნოს შემსყიდველს აღნიშნული წუნდებული მომსახურების ან საქონლის ღირებულება.

6. მიღება-ჩაბარების წესი

მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი, როგორც ეტაპობრივი ისე საერთო, ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.

7. ანგარიშსწორება

7.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

7.2. შემსყიდველი იღებს ვალდებულებას გადაუხადოს მიმწოდებელს მიწოდებული მომსახურების ღირებულება მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან 10 (ათი) დღის განმავლობაში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

7.3 წინასწარი ანგარიშსწორება განხორციელდება სახელშეკრულებო ღირებულების არაუმეტეს 30% ღირებულებით, იდენტური ოდენობის საბანკო გარანტიის წარმოდგენის საფუძველზე.

8. ხელშეკრულების შესრულების შეფერხება

8.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

8.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-10 მუხლის შესაბამისად.

9. ხელშეკრულების პირობების შეუსრულებლობა

9.1 წინამდებარე ხელშეკრულების 1.1 პუნქტით განსაზღვრული მომსახურების მიწოდების ვადის გადაცილების შემთხვევაში, მიმწოდებელს ეკისრება პირგასამტეხლო მიუწოდებელი მომსახურების ღირებულების 0.02%-ის ოდენობით.

9.2 წინამდებარე ხელშეკრულების მე-14 მუხლით გათვალისწინებული პირობების დარღვევის შემთხვევაში მიმწოდებელს ეკისრება პირგასამტეხლო ყოველ გადაგადაცილებულ დღეზე წუნდებული მომსახურების ღირებულების 0.02%-ის ოდენობით.

9.3 წინამდებარე ხელშეკრულების 7.2 პუნქტით განსაზღვრული გადახდის ვადის გადაცილების შემთხვევაში, შემსყიდველს ეკისრება პირგასამტეხლო ყოველ ვადაგადაცილებულ დღეზე გადაუხდელი თანხის 0.02%-ის ოდენობით.

9.4 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, შემსყიდველი იტოვებს უფლებას შეწყვიტოს ხელშეკრულება და მოთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

9.5 პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

10. ხელშეკრულებაში ცვლილებების შეტანა

10.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლის ხელმოწერით.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. ხელშეკრულების შესრულების გარანტია

11.1 ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილი ხელშეკრულების ღირებულების **5%-იანი** საბანკო გარანტია გამოიყენება ნებისმიერი ზარალის ანაზღაურების მიზნით, რომელიც მიაღწევა შემსყიდველს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო.

11.2 ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილი ხელშეკრულების ღირებულების **5%-იანი** საბანკო გარანტიის მოქმედების ვადა უნდა აღემატებოდეს ხელშეკრულების მოქმედების ვადას 30 (ოცდაათი) დღით.

12. დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

12.2 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

13. ხელშეკრულების შეწყვეტა

13.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

13.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს **2013 წლის 1 იანვრამდე**.

15. ფორს-მაჟორი

15.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი

კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, **საქონლის** მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ერთი - შემსყიდველს.

17. მხარეთა რეკვიზიტები:

შემსყიდველი:

თელავის მუნიციპალიტეტი

მის: ქ. თელავი, ერეკლე მე-2-ს გამზირი N16

საბანკო რეკვიზიტები: ლიბერთი ბანკი

ანგ. №GE31 LB01 2019 8781 1260 00

ბანკის კოდი: LBRTGE22

სკ - 231280093

ტელ: 835072300

გამგებელი

პეტრე კიკნაძე -----

მიმწოდებელი:

მის: -----

ბანკი -----

ა.N -----

ბანკის კოდი: -----

ს.კ. -----

ტელ: 574 11 ----- 14

დირექტორი

შენიშვნა: ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

3. ფასების ცხრილი

პრეტენდენტის დასახელება _____

N	ობიექტის დასახელება	მომსახურების ღირებულება თვეში	მომსახურების ღირებულება სულ	მომსახურების გაწევის ვადა
1				
2				
3				
4				
..				

პრეტენდენტის ხელმოწერა _____

თარიღი -----

4. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკის დასახელება:

ბანკის კოდი:

ანგარიშის ნომერი:

4.1. მომსახურების მიწოდების ვადები:

4.2. ინფორმაცია ანგარიშსწორების შესახებ:

სატენდერო წინადადების ვადა სახელმწიფო შესყიდვების ერთიან ელექტრონულ სისტემაში წინადადებების მიღების დაწყებიდან არა ნაკლებ 30 კალენდარული დღე.

ხელმოწერა, ბეჭედი -----

თარიღი -----

5. ანალოგიური მომსახურების გამოცდილება

N	შესყიდვის ობიექტის დასახელება	შემსყიდველი ს დასახელება	სამუშაოების ღირებულება	სამუშაოს დაწყება- დასრულების თარიღი
1				
2				
3				
და ა.შ.				

პრეტენდენტის ხელმოწერა _____

თარიღი -----

შენიშვნა: შესყიდვაში მონაწილეობის მსურველ პირს შესრულებული უნდა ჰქონდეს უკანასკნელი ორი წლის განმავლობაში ტენდერით გათვალისწინებული ანალოგიური ხასიათის, სირთულის და შინაარსის შესაბამისი არანაკლებ 100 000 ლარის ღირებულების მოცულობის სამუშაოები.